

漢

書

辨

疑

漢書辨疑卷十八

嘉定錢大昭晦之甫學

爰盎傳

陛下不交睫解衣 睫古作映史記扁鵲傳云忽忽承映
說文映目旁毛也

願致前口對狀 致南雍本閩本作至

夫一旦叩門不以親爲解 案論語子路問聞斯行諸包
咸以爲賑窮救乏之事子曰有父兄在如之何其聞斯
行之孔安國以爲當曰父兄不得自專曰虎通議亦云
朋友之道親存不得行者二不得許友以其身不得專
通財之恩友飢則白之于父兄父兄許之乃稱父兄與

之不聽卽止故曰友仇爲之減愴友寒爲之不重裘然則以親爲解行古之道也

趙錯傳

趙詔太常使人受之 太常當作奉常景帝中六年改奉常爲太常是時尙未改也下云趙拜盜爲太常亦誤四者國之至要也 國南雍本閩本皆作兵

其間石如淳曰間石城上雷石也 惠士奇曰雷石一作礮石潘岳詩督誅詞所謂礮以鐵鎖機關旣縱礮而又昇焉是也一名礮石開居賦云礮石雷駭注云礮石今之拋石范蠡兵法飛石重二十斤爲機發行三百步說文建大木置石其上發以機以礮敵一名脣魏志謂之

霹靂車亦曰拋車後世易石以火號震天雷蓋師雷石之遺意而加酷矣

郡縣之民得買其爵以自增至卿 案樊噲賜爵卿卿謂左庶長以上之爵孟康以武功爵之樂卿當之非也說詳樊噲傳

而勸之新色也 色當作邑

廷尉臣宜昌 百官表逸其姓

除苛解婉 說文婉苛也

不孽諸侯 孽與孽同謂不媒孽其短也應劭謂不以庶孽畜之非是

張釋之傳

問上林尉禽獸簿 百官表水衡都尉屬官上林有八丞

十二尉

用紵絮斲陳漆其間 斲說文云斬也廣雅云絕也言柳之隙處斬紵絮以塞之又以漆陳其間也

問蹕匿橋下 說文蹕止行也周禮天官宮正及禮記會子問皆作蹕蹕非古字

且方其時上使使誅之則已 魏志王肅傳載肅之言曰廷尉者天子之吏也猶不可以失平而天子之身反可以惑謬乎周公曰天子無戲言言則史書之工誦之士稱之言猶不戲而況行之乎子雍以釋之此語爲有病則可至詆釋之爲不忠之甚則謬矣

與梁相山都侯王恬 功臣表作王恬啟史記作王恬開
此疑脫一字

馮唐傳

闕以內寡人制之闕以外將軍制之 闕漢紀作闕同案
爾雅釋宮廩謂之闕郭璞曰門闕曲禮云由闕右李如
圭云闕者門中所豎短木在地者也其東曰闕東其西
曰闕西

澹潛林如淳曰匈奴傳云晉北有澹林之胡樓煩之戎
案如說非也匈奴傳但言林胡不言澹林

魏尚槐里人也 魏尚無傳故于此記其里居亦猶公卿
之無傳者表中書其里及其字也槐里右扶風縣

汲黯傳

至黯十世 十史記作七

臣過河內河內貧人傷水旱 河內史記俱作河南下同
陛下用羣臣如積薪耳後來者居上 文子曰虛無因循
常後而不先譬若積薪燎後者處上也黯之言蓋本諸
此

縣官亡錢從民貰馬 昭帝紀始元四年詔曰往時令民
共出馬其止勿出卽其事也

而文吏繩以爲闔出財物如邊關乎 說文闔妄入宮掖
也从門緜聲如應劭臣瓚說則字當爲闔妄入爲闔妄
出亦爲闔也

臣常有狗馬之心 有閩本作存

過大行李息 大行下當有令字

司馬安爲淮陽太守 司馬安疑卽汲黯姊子

賈山傳

今陛下念思祖考術追厥功 術與述同孫炎注爾雅云

通古述字術追猶詩言通追來孝也

又遷其賢者使爲常侍諸吏 諸吏中常侍皆加官中常侍得入禁中諸吏得舉法

憐其衣赭書其背 後漢鄴令甄邵諂事梁冀有同歲生得罪于冀亡奔邵邵陽納而陰告冀冀捕殺之邵當遷爲郡守而其母死乃埋尸馬屋先受官而後發喪及冀

誅而河南尹李燮遇邵于塗使卒投車溝中笞捶亂下
大署帛于背曰詔貴賣友貪官埋母乃具表其狀廢錮
終身此罪人書背之事

鄒陽傳

交龍裹首奮翼 交文選作蛟交蛟古今字

武力鼎士袷服叢臺之下 說文袷元服元服卽袷服也
說文袷字在新附中篆書袷與袷相似故亦謂之均服
左傳僖五年均服振振服虔以均服爲黑服古戎服尙
黑戰國策左師觸龍曰老臣賤息舒祺願令補黑衣之
數以衛王宮注云黑衣戎服

壤子王梁代 壤當作臙晉灼引揚雄方言作壤今本方

言作臙郭璞注云肥臙多肉說文解字臙益州鄙言人盛諱其肥謂之臙

范睢拉脅折齒於魏 拉文選作摺案春秋公羊傳莊元年拉幹而殺之史記公子彭生抱魯桓公上車摺其脅揚雄傳解嘲云范睢以折摺而危穰侯晉灼曰摺古拉字

然則軻湛七族要離燔妻子 閭本則下有荆字

蟠木根柢輪囷離奇 蟠卽樛字說文樛木也讀若樊

秦皇帝任中庶子蒙之言 蒙非名也脫嘉字史記及文

選竝作蒙嘉

牽帷膚之制 膚文選作牆

爲其以生易死以存易亡也 此用公羊傳也當引以注之

枚乘傳

乘奏書諫曰臣聞得全者全昌 案說苑正諫篇云孝景帝時吳王濞反梁孝王中郎枚乘字叔聞之爲書諫王其辭曰君王之外臣乘竊聞得全者全昌云云此言爲吳郎中諫而不納乃去之梁與說苑不同攷鄒陽傳亦云吳王濞招致四方游士陽與吳嚴忌枚乘等俱仕吳疑說苑誤也

欲湯之滄 周書周祝解云天地之間有滄熱

泰山之雷穿石 說文雷壓水流也

單極之統斷幹 此句說苑作引繩久之乃以挈木統與
繩同左傳襄九年具繩缶杜云繩汲索幹注當作韓井
垣也从韋取其市也軌聲井韓是井上木欄久汲爲繩
契斷

不如海陵之倉 海陵屬臨淮郡

魯東海 魯漢紀作虜

路溫舒傳

鉅鹿東里人也 東里蓋鉅鹿縣之里名

元鳳中廷尉光 公卿表元鳳六年有廷尉李光

蠲者不可復屬 說文蠲古文絕象不連體絕二絲

遷廣陽私府長師古曰天子曰少府諸侯曰私府 案顏

說非也漢制諸侯王國亦有少府不名私府百官表詹事中長秋私府令長丞皆屬焉然則私府皇后之官也諸侯王之后亦有之耳

贊賈山自下廁上 說文無廁字古作摩易繫詞云剛柔相摩京房曰摩相體切也

寶嬰傳

梁人高遂乃說嬰曰 案韓安國傳云於梁舉壺遂臧周高遂疑卽壺遂之謬

魏其沾沾自喜耳多易 沾卽姑字說文姑小弱也一曰女輕薄善走也一曰多技藝也言魏其自以爲多技藝而輕薄自喜不勝丞相之任

田蚡傳

蚡以肺附爲相 作肝肺附著解則字當从肉作斫木札

解則字當作柿从木說文柿削木札樸也陳楚謂樸爲
柿芳吹切後漢書楊由傳風吹削肺亦借用肺肝字

召客飲坐其兄蓋侯北鄉自坐東鄉 案蓋寬饒傳從西

階上東鄉特坐亦言其自尊抗之意王尊傳尊劾奏丞
相衡與中二千石大鴻臚賞等會坐殿門下衡南鄉賞
等西鄉衡更爲賞布東鄉席起立延賞坐衡設不正之
席使下坐上相比爲惠於公門之中亂朝廷爵秩之位
樓設傳坐者百數皆離席伏護獨東鄉正坐

故嬰墨墨不得意 案墨與默通書說命恭默思道古文

尙書作嚶史記賈生傳吁嗟嚶嚶兮漢書作默默師古
曰默默不得意也孫叔敖碑云其意常墨墨隸釋云以
墨爲默魏受禪表寬容淵嚶亦以嚶爲默說文默犬背
逐人也讀若墨

灌夫傳

迺效女曹兒咕囁耳語 咕囁猶囁囁也東方朔七諫云
喜囁囁而妄作王逸注云囁囁小語謀私貌

與太后家廷 廷古文作悟說文悟逆也

韓安國傳

安國以五百金遺蚡 潛夫論云韓安國能遺田蚡五百
金而不能賑一窮

卽召以爲北地都尉 案北地有兩都尉北部都尉治神泉障渾懷都尉治塞外渾懷障

聚之廣武常谿 廣武地理志屬太原張晏云雁門縣非也後漢方改屬雁門

景十三王傳

山東諸儒者從而遊 者閭本作多

冀州刺史敞奏元事 敞張敞也

魯安王光晚節遜 易蒙初六以往吝許氏說文兩引之
一曰吝恨惜也一曰遜行難也遜與吝通用王莽傳云性實遜齋亦此意廣雅云遜訟也

建異母弟定國爲淮陽侯 淮陽表作淮陵

膠西于王端爲人賊驢 說文驢彌戾也讀若戾

議者勿冤鼯錯之策 勿當作多

昧不泰山 泰山上脫見字

長沙孝王薨子魯人嗣王莽時絕 案諸侯王表於魯人

之下云居攝元年舜嗣二年王莽篡位貶爲公明年廢

又告中尉蔡彭祖捕子明 案西熊侯明廣川惠王之子

也當是繆王齊之弟傳作子誤孟康以爲彭祖之子名

明失之遠矣

其殿門有成慶畫短衣大袴長劍 後代之有門神濫觴

於此

崔脩成爲明貞夫人主永巷 永巷二字誤南雍本同本

皆作衣服

李廣傳

用堅其意有白馬將出護兵 閩本無有白馬將出護兵
· 七字非也

與故潁陰侯屏居藍田南山中 時潁陰侯灌疆以有罪
免侯故曰故也

今將軍尙不得夜行何故也 言卽見爲將軍亦不許其
夜行況故將軍乎

有功中率 中率中首虜率也上文云諸將多中首虜率
爲侯

單于遮其後乘隅下壘石 陵居谷中虜在山上故以壘

石投之亦謂之蘭石通鑑錯傳云具蘭石服虔曰蘭石可
投人石如淳曰蘭石城上雷石

立政等見陵未得私語即目視陵 高帝紀呂公因目固
謂高祖亦此意

蘇建傳

因厚輅軍于輅閭本作賂

皇后父平恩侯 許廣漢也水經注作許伯

衛青霍去病傳

平陽侯曹壽尙武帝姊陽信長公主青壯爲侯家騎從平
陽主又云初青旣尊貴而平陽侯曹壽有惡疾就國長
公主問列侯誰賢者左右皆言大將軍主笑曰此出吾

家常騎從我奈何左右曰於今尊貴無比於是長公主
風白皇后皇后言之上迺詔請尚平陽主與主合葬

案史記曹參世家時尚平陽公主生子襄時病癘歸國
襄尚衛長公主史公言病癘與傳所云惡疾適合則尚
陽信主者似是曹時矣又攷功臣表曹參薨靖侯宮嗣
孝文後四年薨簡侯奇嗣孝景四年薨夷侯時嗣元光
五年薨共侯襄嗣衛青於元朔二年封長平侯元狩四
年爲大司馬所謂列侯尊貴無比當在此時而本傳元
狩四年令青出定襄平陽侯襄爲後將軍屬大將軍以
時勢度之曹壽當卽曹襄也襄古作襲壽古作置因襲
字有置而譌爲壽耳若依史記之說以襄爲平陽公主

之子則襄尙襁褓中不能爲後將軍以尙平陽公主者
爲曹時則元光時青尙未封侯不得言列侯更不得言
尊貴無比也

代相李蔡爲輕車將 代王義之相也

大行李息 大行下當有令字下同

子登爲發干侯 西京雜記云衛將軍青生子或有獻騶
馬者乃命其子曰騶字叔馬其後改爲登字叔升

都尉韓說從大軍出寶渾 從大下當有將字

議郎周霸等 案議郎是郎中令屬官大將軍莫府中不
得有此官疑卽從事中郎之類

捕季父羅姑比再冠軍師古云比頻也 小司馬引顧氏

說以羅姑比爲單于季父名與顏小異

楊武乎鱒得

鱒當作鰓注同地理志作鰓說文鰓肉也

張掖有鰓得縣

誅獍悍師古曰獍字或作越

越字是說文行輕兒

主爵趙食其爲右將軍

主爵下當有都尉二字

於是青令武剛車自振爲營

司馬彪輿服志云吳孫兵

法云有巾有蓋謂之武剛車

漢益縱左右翼繞單于

案李廣傳云廣令其騎張左右

翼後漢書耿弇傳弇知步困將退豫置左右翼爲伏以

待之段熲傳熲令軍中張鍬利刃長矛三重挾以強弩

列輕騎爲左右翼衆皆騰赴熲馳騎于傍突而擊之虜

眾大潰公孫瓚傳瓚常與善射之士數十人皆乘白馬
以爲左右翼自號白馬義從袁紹傳云瓚兵三萬列爲
方陳分突騎萬匹翼軍左右其鋒甚銳蓋古有此陣法
悉以李敢等爲大校當裨將 此李敢非李廣之子郎中
令也廣子早爲票騎將軍去病射死蓋別是一人

所獲輦允之士 輦允卽獫狁也輦獫聲相近

上爲遣太官齋數十乘 太官屬少府主膳食之官
弁之二萬二百戶 以數計之當是萬二百戶

張次公河東人 酷吏傳云義縱少年時嘗與張次公俱
攻剽爲羣盜

董仲舒傳

必推之於大衰而後息與 衰漢紀作中疑是衷字之譌
臨淵羨魚不如蛛而結網 蛛南雍本閩本竝作退

功烈休德未始云獲也 云閩本作亾

異貴賤而勸有德也 勸有德閩本作觀德二字

共是天下古亦大治 亦閩本作以

黨可得見乎 黨古儻字伍被傳黨可以傲幸是也

則民不樂生民不樂生 閩本四字不重

與大夫泄庸種蠶 泄庸漢紀及人表竝作后庸

故求雨閉諸陽縱諸陰其止雨反是 求雨止雨之法詳

見春秋經露

仲舒弟子呂步舒 五行志上思仲舒前言使仲舒弟子

呂步舒持斧鉞治淮南獄以春秋誼斷于外不請

司馬相如傳

素與臨邛令王吉相善 此王吉非琅邪王子陽

是時卓王孫有女文君新寡 西京雜記云文君姣好眉
色如望遠山臉際常若芙蓉肥膚柔滑如脂十七而寡
爲人放誕風流故悅長卿之才而越禮焉

相如與馳歸成都家徒四壁立 西京雜記云司馬相如
初與卓文君還成都居貧愁懣以所著鸛鶴裘就市人
陽昌貰酒與文君爲懽既而文君抱頸而泣曰我生平
富足今乃以衣裘貰酒遂相與謀於臨邛賣酒相如親
著犢鼻褌滌器以恥王孫王孫果以爲病乃厚給文君

文君遂爲富人

子虛過蛇鳥有先生師古曰蛇字本作訛 炎李善作妣
史記及五臣竝作訛妣字誤作訛者形相近而譌也說
文訛沈州謂欺曰訛

果因彌山 說文畧兔畧也玉篇果同畧

岑豈參差日月蔽虧 江淹雜體詩岑豈還相蔽李善引
郭注方言云岑豈峻兒

璊玢元厲 璊玢說文作玢璉云石之次玉者

璊石武夫 璊當作璉說文璉石次玉者山海經中山經
云扶豬之山其上多璉石

穹窮昌蒲 說文營營窮香艸也司馬相如說營或从弓

所引司馬氏說卽謂此賦也字當作芎

江離蘼蕪 說文蘼楚謂之蘼晉謂之臨齊謂之葑是三

名同物異名說文又云離江離蘼蕪許君益引于虛賦
文非謂江離卽蘼蕪也

則生歲析苞荔 說文苞艸也南陽以爲蘼蕪又云荔艸
也似蒲而小根可作刷

注蘇林曰析音斯 脫二字文選注音斯歷反

外發大容葳華 夫容古字揚雄傳云彼夫容之六葳後
人始加艸

青口繼施 毒目古字爾雅注作瑇瑁釋文云字又作時
唱從玉從甲皆後人所加

微飢受訓 飢當作飢說文飢相踣飢也作疲極解當作
飢勞也今之劇字

被阿錫 錫文選作緡古字通說詳禮樂志

紛紛裊裊 說文裊長衣兒裊長衣兒今人以裊爲氏非
也氏族之裴古用裴

翕呬萃蔡 李善注嵇康琴賦引作翕呬萃蔡古蔡與蔡
通蔡乃蔡字之譌

礪石相擊琅琅礪礪若雷霆之聲 楚詞九思云雷霆兮
礪礪說文礪石聲礪石聲皆本此

觀乎成山張揖口觀闕也 兒子東垣曰案詩唐風有林
之杜云噬肯來游毛傳訓游爲觀孟子云吾何脩而可

以比于先王觀也趙岐訓觀爲游此觀字亦當作游字
解方與下文三句相協張揖郭璞張守節李善並以觀
爲闕非也

適足以卑君自損也 卑當作叟史記作貶說文叟傾覆
也杜林說以爲貶損之貶

獬胡穀蜺 胡說文作𧈧云斬𧈧鼠黑身白要若帶手有
長白毛似握版之狀類蜺雖之屬穀當作殼說文犬部
殼犬屬要以上黃要以下黑食母猴讀若構

夭蟭枝格 格說文作格云枝格也从丰各聲淮南說林
訓枝格之屬有時而弛庾信小園賦枝格相交草樹混
淆皆是格字

泰山爲櫓 劉屈氂傳以牛車爲櫓與此同意

越壑厲水 厲卽履石渡水之砾

藝苑卅文頴曰所射準的爲藝 尋文氏注義則藝當爲
桀收工記匠人置桀以縣眡以景注云故書桀或作弋
元謂桀古文梟段借字傳作藝字轉寫譌耳小顏以與
技藝字同失之矣

張樂乎膠葛之寓 寓猶文字荀子精微乎毫毛而盈大
乎寓山亦作寓

巴俞宋蔡淮南干遮 說文嘑譟聲嘑喻也引司馬相如
說淮南宋蔡譟舞嘑喻許君所引卽此文疑巴俞古作
嘑喻矣

鄴鄆繽紛 揚雄反離騷云暗纂以其繽紛注繽紛交雜也楚詞九懷云撫余佩兮繽紛王逸注持我玉帶相糾結也張有以說文之闕闕二字當之音義俱合

與天下爲始 始文選作更始

西至沫若水張揖曰沫水出蜀廣平徼外 案地理志蜀郡無廣平縣當作廣柔水經云沫水出廣柔徼外東南過旄牛縣北又東至越嶲靈道縣出蒙山南東北與青衣水合東入于江

橋孫水張揖曰鑿開靈山道置靈道縣 案兩漢志俱作靈關道

且因宣其使詣 詣當作指史記及閩本俱作指

昔者洪水沸出汜濫衍溢 衍文選作溢張揖曰溢溢也
郭璞三蒼解詁曰溢水聲也李善曰古漢書爲溢今爲
衍非也

躬餓餓無服 文選作躬餒無服李善注引孟康曰
餒餒理也韋昭曰餒身中小毛也

常有消渴疾 西京雜記云長卿素有消渴疾乃還成都
悅文君之色遂以發痼疾乃作美人賦欲以自刺而終
不能改卒以此疾致死文君爲誄傳于世

竭輕舉而遠游 淮南說山訓云以東嶺爲鬼竭而走說
文竭去也

公孫宏傳

夫厚當重刑

當閹木及漢紀竝作賞

通塞之塗

通下脫壅字南雍本閹本及鼂錯所引竝有

壅字

於是起客館開東閣以延賢人

西京雜記云平津侯自

以布衣爲宰相乃開東閣營客館以招天下之士其一

曰欽賢館以待大賢次曰翹材館以待大材次曰接士

館以待國士其有德任毗贊佐理陰陽者處欽賢之館

其有才堪九列將軍二千石者居翹材之館其有一介

之善一方之藝居接士之館而躬自菲薄所得奉祿以

奉待之

身食一肉脫粟飯

段玉裁曰粟者糲米也米者精米也

粟對已去糠者言之則去糠者爲米未去者爲粟對精米言之則精米爲米糲米爲粟

守成文 成下脫上字南雍本闕本皆不脫

年八十終丞相位 西京雜記云公孫宏著公孫子言刑名事亦謂字直百金

卜式傳

及臨蒲習弩博昌習船者 時式爲濟相故卽舉齊地言之

兒寬傳

千乘人也 不言郡避重文

後有軍發左內史以負租課殿當免民間當免皆恐失之

宋劉向傳云孝武帝時兒寬有重罪繫按道侯韓說
諫曰前吾止壽王死陛下至今恨之今殺寬後將復大
恨矣上感其言乃貰寬據此則是時寬之咎不止於免
官矣免字疑是死之譌形相近耳

漢書辨疑卷十九

嘉定錢大昭晦之甫學

張湯傳

拘守職之吏 以循分供職者爲拘泥也蘇說非

與長安富貴田甲魚翁叔之屬交私 廣韻魚姓出馮翊

風俗通云宋公子魚賢而有謀以字爲族

排富商大賈出告緡令 楊可告緡天下受其病論者每

咎孔僅東郭咸陽而主其議者實張湯一人

上問變事從迹安起 從古蹤字顏說非

上疏歸侯乞骸骨 歸侯者歸侯印也

將作穿復土起家祠堂 祠堂起于漢龔勝傳勿隨俗動

吾家種柏作祠堂循吏傳文翁終于蜀吏民爲立祠堂
朱邑葬桐鄉西郭外民爲起冢立祠後漢書馬援傳援
夫人卒乃更脩封樹起祠堂潛夫論云廬舍祠堂崇侈
上僭

既嗣侯國在陳畱 陳畱風俗傳云陳畱尉氏縣安陵鄉
故富平縣也

別邑在魏郡租人歲千餘萬 魏郡之別邑當在武始縣
故安世六世孫純封武始侯

數上書欲減戶邑 讓疑當作請

迺徙封平原并一國戶口如故而租稅減半 延壽雖徙
封平原其魏郡租入之千餘萬不過減半耳仍延壽所

食也

勃舉太官獻丞陳湯湯傳作獻食丞

大官私官並供具第具南雍本闕本作其

更封富平之別鄉爲武始侯一別鄉疑當作別邑上文所謂別邑在魏郡也武始是魏郡縣非富平鄉

杜延年傳

五鳳中徵入爲御史大夫公卿表作五鳳三年六月辛

酉漢舊儀云大夫初拜策曰惟五鳳三年正月乙巳御

史大夫之官皇帝延登親詔之曰御史大夫其進虛受

朕言朕鬱于大道獲保宗廟兢兢師師夙夜思己失不

追康寧盡思百姓未能綏於戲御史大夫其帥意盡心

以補朕闕於戲九卿羣大夫百官慎哉不曷于厥職朕
有常辟往悉乃心和裕開賢俾賢能反本又民靡諱朕
躬天下之眾受制於朕以法爲命可不慎與於戲御史
大夫其誡之此其策命之詞也

延年遂稱疾篤 疾南雍本闕本作病

合陽侯梁放 梁喜之子

戊夫土也 夫當作未南雍本闕本皆不誤

仲山父異姓之臣無錫於宣就封於齊 此用韓詩說漢

孟餼碑云天生仲山甫異佐申興宣平功遂受封于齊

其言與杜欽同

主上照然知之 照南本闕本並作昭

書稱公母困我 案元后傳王鳳乞骸骨上報曰書云公
毋困我今洛誥作公無困哉哉乃我字之譌

今在長者歸故郡 在當作坐南雍本闕本不誤

鉅鹿太守孫宏 宏翟方進傳作閔

遣使者毛莫如先考驗 莫如太山人官至常山太守毛
當作屯說見儒林傳

張騫傳

金城河西西竝南山至鹽澤 南雍本闕本皆不重西字
置牂柯越燭益州沈黎文山郡 地理志無沈黎文山二
郡沈黎省于天漢四年文山省于地節三年皆并蜀

司馬遷傳

重黎氏世序天地 楚語云少皞之衰也九黎亂德顓頊
受之乃命南正重司天以屬神命火正黎司地以屬民
使復舊常無相侵瀆其後三苗復九黎之德堯復育重
黎之後不忘舊者使復典之以至于夏商故重黎氏世
序天地而別其分主者也其在周程伯休父其後也當
宣王時失其官守而爲司馬氏

定計於鮮也 釋詁鮮善也邾風新臺云籛條不鮮小雅
北山云鮮我方將鄭箋竝訓鮮爲善此言定計爲善不
遭刑辱文穎以爲鮮明未當

武五子傳

按道侯說疑使者有詔 詔當作詐

父子不和則室家散亡 散南雍本閩本作喪

令皇太子爲漢適嗣 令當作今

平與侯嗣子尙焉 史表無平與侯

衛侯史良娣葬長安城南 侯當作后外戚傳云瘞之城

南桐柏

皆賜策各以國土風俗申戒焉 本紀是年初作誥故三

王俱載賜策

北州以安 士相見禮云凡言非對也安而後傳命鄭注

安安坐也古文安爲綏

王孺見執金吾廣義 義字疑誤下文作廣意公卿表亦

作廣意

趙氏無炊火焉 秦之先造父封于趙城更爲趙氏故秦亦稱趙也

王客呂廣等知星 天文志有燕王候星者吳莫如

耘鉏海內勤苦至矣 耘鉏海內下脫正文當此之時頭

如蓬葆八字又注文頭久不理如蓬草羽葆也師古曰草叢生曰葆音保二十字當據南雍本圖本補

二十年薨子嘉嗣 表云二十一年

毋桐好逸 桐史記作桐集解引張晏注亦作桐

左右皆服 服南雍本圖本作伏

立六十四年而誅 表作六十三年

立二十年薨子宏嗣 當從表作十七年

使行大鴻臚事少府樂成 公卿表作便樂成

遺賈積竹杖 說文櫟積竹杖也

臣敞故知執金吾嚴延年字長孫 案酷吏傳嚴延年字
次卿張敞爲京兆尹素與延年善疑卽其人矣然字既
不同而延年傳又不言其爲執金吾未知其審

傳子至孫今見爲 南雍本闕本見爲下有侯字

嚴助傳

枚舉膠倉 膠當作聊說詳藝文志

嚴慈奇等 七略云或言莊夫子或言族家子莊助昆弟
也

自以身不見兵革 自以下脫没字南雍本闕本有

故古者封內甸服封外侯服

此用國語文避高帝諱故

作封

朱買臣傳

不視買臣買臣入室中

閩本不重買臣二字

試來視之 閩本無來字

吾丘壽王傳

十賊曠弩百吏不敢前

曠說文作曠云弩滿也讀若郭

淮南子兵畧訓云疾如曠弩

是以巧詐竝生知者陷愚

南雍本閩本是以二字俱在

巧詐竝生之下

主父偃傳

諸儒生相與排傾不容於齊 傾與摯同說文傾或作摯
文王世子云退傾于西序釋文本亦作摯客疑當作容
以守北河 漢紀作河北

必稍自銷弱矣 中山王勝傳云其後更用主父偃謀令
諸侯以私恩自裂地分其子弟而漢爲定制封號輒削
屬漢郡此假銷弱之計也

徐樂傳

燕郡無終人也 燕王定國有罪國除入漢爲郡故曰燕
郡無終地理志屬右北平

嚴安傳

臣聞鄒衍曰 衍南雍本閩竝作子

章廣心逸 章當作意

禍拏而不解 拏當作紛拏之拏霍去病傳云漢匈奴相

紛拏

後以安爲騎馬令 騎馬令屬太僕

終軍傳

北胡隨畜薦居 案襄四年左傳云戎狄荐居服虔曰荐

輒也言狄人逐水草而居徙無常處古荐與薦通蘇林

說與服氏同小顏注非也

王褒傳

渤海趙定梁國龔德 龔當作龍藝文志樂家有雅琴龍

氏九十九篇名德梁人小顏引劉向別錄云亦魏所

奏也與趙定俱召見待詔

賈捐之傳

元封元年立僭耳珠崖郡 案本紀二郡立於元鼎六年
朔南暨聲教迄于四海欲與聲教則治之不欲與者不彊
治也 釋詁暨與也據捐之所釋書義殆以暨爲干與
之與

含氣之物各德其宜 德南雍本閩本作得
上以問丞相御史 御史下當有大夫二字

期思侯竝可爲諸曹 期思侯竝疑是二人姓名廣韻期
姓下引風俗通有期思國不言複姓若以爲期思地名
則下文滿宜又不言所居之縣何以侯竝獨載居地乎

小頰以爲賁赫之後非也赫之除國尙在孝文時

東方朔傳

舍人不勝痛呼善 說文暴大呼自冤也

尻益高 尻當作尻從九說文尻腓也腓腓也或作腓或

作髀

朔擅詆欺天子從官 舍人以幸倡常侍左右故自稱天

子從官

鶴俛喙也 啄讀與喙同

吾弟老有是一子 案此以隆慮公爲武帝女弟而景十

三王傳又以爲帝姊未知孰是

弁嚴子爲衛尉 漢書卞升通用杜欽傳小弁作卞此傳

卞莊子作弁

季路爲執金吾 閩本作子路

將以爲君之榮除主之禍也 禍閩本作病

遂居家山之閒 家閩本作深

於是吳王懼然改容 懼漢紀作瞿

公孫賀傳

賀祖父昆邪 攷功臣表賀是昆邪之子祖字衍

劉屈氂傳

事籍籍如此何謂祕也 景十三王傳云國中口語籍籍

慎無復至江都皆言諛聒之意

陸賈傳名聲籍甚

車千秋傳

車千秋 依史例當云田千秋

思欲寬廣上意尉安眾庶 胡建傳所以尉薦走卒甚得其心注云尉者自上安之也韓安國傳云猶頗可得以尉士大夫心師古曰故尉安之字正如此其後流俗乃加心耳大昭案王嘉傳遣使者賜金尉厚師丹傳有以尉復師傅之臣龔遂傳選用良吏尉安牧養焉宣元六王傳益封孝王萬戶以尉其意王莽傳宜令州郡且尉安之皆不从心

坐盜增兩獲 表作虜獲兩虜古通用

王訢傳

修治供張辨 辨古辨字攷工記云或審曲面執以辨民

器鄭注辨猶具也釋文辨皮莧反特牲饋食禮云宗人
告有司具鄭注具猶辨也易剝牀以辨徐音辨具之辨
說文辨字在新附中

楊敞傳

霍氏伏誅惲等五人皆封 五人闕本作有功案功臣表
是時同日封者有張章董忠金安上及惲四人共一人
史高在外戚侯表

令郎出錢市財用給文書迺得出名曰山郎 此郎非尙
書郎是宿衛郎

山是擢爲諸吏光祿勳 加諸吏者始見於此然孝文時
賈山上至言已云又選其賢者使爲常侍諸吏與之馳

歐射獵

長樂宮使行事隸宗廟 隸閤本作肄下文副帝隸及注
並同

憚幸有餘祿方糴賤販貴逐什一之利 貢禹傳近臣自
諸曹侍中以上家無得私販賣與民爭利憚免爵爲庶
人故欲爲賈豎之事

諸在位與憚厚善者未央衛尉韋元成京兆尹張敞及孫
會宗等皆免官 案杜業傳故事大逆朋友坐免官無
歸故郡者

贊然後化可興 後下南雍本闕本俱有教字

汝南相寬次公 相當作桓

問汝南朱生 朱生鹽鐵論作朱子伯

中山劉子 鹽鐵論作劉子雍

斗筭之人何足選也小顏引論語作選 今本論語作算

案選算古字通邶風威儀棣棣不可選也後漢書朱穆

傳注絕交論引作不可算也

今本仍作選詩攷以爲齊作算蓋宋本與今本異齊

風舞則選兮文選舞賦注引作舞則纂兮纂卽算也周

語纂脩其緒史記周本紀作選脩徐廣曰選一作選是

選算同

楊王孫傳

欲從其心又不忍 閻本其作之

胡建傳

因上堂走卒皆上 堂下脫皂字南雍本闕本皆有

黃帝李洪曰 藝文志不載此書

朱雲傳

從博士白子友受易 白子疑卽白光字少子東海人見

儒林傳

欲以匹夫徒走之人 走南雍本闕本作步

梅福傳

孝文皇帝好忠諫 文南雍本闕本作武

故淮南安王緣間而起 安王二字當乙

武帝時始封周後 武帝上闕本有初字

云敞傳

師事同縣吳章 章字偉君見儒林傳

夜以血塗莽門 莽下南雍本闕本有第字

皆當桀固 固南雍本闕本作錮

霍光傳

中孺扶服叩頭 扶服卽匍匐也鄭注閒傳云匍匐猶顛

壓或作扶服谷風詩匍匐救之鄭箋匍匐言盡力也檀

弓室語及本書谷永傳竝引作扶服長楊賦扶服螳伏

解詡云扶服入彙匈奴傳扶服稱臣王莽傳扶服振救

後光爲奉常都尉 常當作車

令故昭帝侍中中臣侍守王 侍中爲中朝官故稱中臣

臣吉師古曰景吉 景吉卽丙吉也唐諱丙字故丙丁皆

爲景丁

天子所以永保宗廟 大當作天

奉節使徵昌邑王典喪服斬纓 典喪爲喪主也下文言
賀服斬纓而無悲哀之心耳小顏以典喪服爲句失其
指矣

注左思吳都賦云長塗牟首劉逵以爲牟首閣道有室屋
也 吳都當作魏都注是張孟陽非劉淵林

其以河北東武陽益封光 河北言河以北也非郡名東
武陽屬東郡

下詔曰故大司馬大將軍博陸侯 此詔已見本紀可不
複見

私使乳醫淳于衍 宣紀作女侍醫

復徙光長女增長樂衛尉爲少府 此少府是長信少府

見本紀

金安上傳

四子常敝岑哭今明皆爲諸門中郎將 哭今當作岑明

南雍本闕本皆不誤

爲奉車水衡都尉 百官表奉車都尉掌御乘輿車水衡
都尉掌上林苑此云奉車水衡都尉當是先後任此兩
職不重言都尉者省文也

贊然光不學亡術 淮南子人閒訓云見本而知末觀指
而睹歸執一而應萬握要而治詳謂之術公孫宏傳云

擅殺生之柄通壅塞之塗權輕重之數論得失之道使
遠近情僞必見於上謂之術

趙充國傳

臣竊見騎都尉安國 卽義渠安國

今先零羌楊玉此羌之首師名王 閭本無此羌句

貧破其眾 貧漢紀作分按說文貧財分少也則貧亦有
分意

媮得避嫌之便 坊記云貴不嫌於上鄭注嫌或爲嫌說
文嫌疑也是嫌古嫌字

充國遽起奏湯使酒不可無酒 使酒應劭以爲醕酒
是也季布使酒難近帶人爲人剛直使酒

湯數醉醕羌人 說文無醕字微子篇云我用沈醕於酒
釋文云以酒爲凶曰醕說文作醕云酒醕

趙趙桓桓亦紹厥後 後文選作緒

辛慶忌傳

屯田烏孫赤谷城與歙侯戰 陳景雲曰赤谷城在烏孫
西偏與康居相接據何奴傳康居亦有翁侯之官且與
烏孫連兵日久此與歙侯戰者謂康居所遣之將也常
患屯田烏孫時漢與烏孫甚睦不當有交戰事小顏以
歙侯爲烏孫官名似誤

補金城長史 百官表邊郡有長史掌兵馬

少子茂水衡都尉 茂字子淵由中郎將遷見公卿表

及呂寬事起 呂寬事見王莽傳

陳湯傳

得太官獻食丞 太官屬少府主膳食獻食丞百官表所
無

南排月氏山離烏弋 西域傳烏弋山離國王去長安萬
二千二百里此云山離烏弋疑傳寫倒置服虔以爲去
中國二萬里未詳

言父早死犯不封 犯南雍本閩本竝作獨

雋不疑傳

本夏陽人姓名方遂 故昭紀謂之夏陽男子
于定國傳

前太守弼斷之咎黨在是乎 黨古儻字伍被言黨可以
傲幸揚雄傳此非人力之所能黨鬼神可也亦作黨

學士咸聲焉 聲當作稱南雍本闕本不誤

萬方之事大錄于君 尙書納于大麓陸氏釋文引王肅
云麓大錄也西漢經師已有此訓

商周德傳

楚國葉勝舍 勝字君賓舍字君倩

代貢禹爲長信少府御史大夫 二職俱代貢禹

廣德爲人溫雅有醞藉 聘禮云凡執玉無藉者襲鄭注

藉謂縑也縑所以縑藉也匡張孔馬傳贊曰其醞藉可

也醞縑同亦作溫藉義經傳少溫藉師古曰言無所含

容也史記作薏藉

彭宣傳

埃寘溝壑 古寘與同聲故借用寘未必是寘之譌

王吉傳

中慰甚忠 慰當作尉

貢禹傳

三工官官費五千萬 三工官當謂考工室之一令二丞也百官表少府有若盧考工室令丞屬焉表不言員數是爲一令一丞矣然王吉傳云補若盧右丞有右必有左若盧既有二丞考工室亦宜有二丞如淳以地理志懷成都廣漢之工官爲三工殊不知志言工官者尙有

河南陽翟宛東平陵太山郡奉高雒七處豈得單舉三者以當之小顏以爲考工室也右工室也東園匠也攷右工室不見於表東園匠則專作園陵器物觀下文見助杯案云云則非東園匠所作明矣小顏說誤

至升爲諫大夫秩八百石又拜爲光祿大夫秩二千石百官表作比八百石比二千石

定造毀之禮語在韋元成傳 閭本之禮下有然通儒或升之六字

兩龔傳

龔字君蘭鉅鹿人

龔傳

男明黃髮 說文無諤字古用駟

五世墳僚至我節侯 墳與應同元帝紀眾僚久應未得
世人

左右昭宣五品以訓 訓古駟字故與聞爲韻周禮地官
上訓鄭司農讀訓爲駟史記殷本紀帝舜命契曰百姓
不親五品不馴後漢書亦引作訓

厥賜祁祁百金伯官 訓賢乞骸骨賜黃金百斤也
四方遐爾 爾與邇同

祭義曰王者禘其祖所自出云云 此是喪服小記文非
祭義

廷尉忠以爲孝武皇帝 尹忠字子賓魏郡人

謹案上世帝王承祖禰之大義 岡本義作禮

起敦煌酒泉張掖以兩娼羌 岡與隔同

魏相傳

臣聞明主在上賢輔在下則君安虞而民和睦 按此虞

字與匡衡傳未有游虞弋射之安揚雄傳長楊賦反五
帝之虞同孟子驩虞如也亦此意

丙吉傳

掖庭宮婢則 則宮婢名

夏侯勝傳

後事蘭卿 蘭卿勝同郡人兒寬門人也蘭姓廣韻不收

淮南王有中尉蘭忌小顏以爲从艸不从竹

下詔曰益災異者 此詔已見本紀可不複載

京房傳

陰霧不精 古晴字作精說文作姓

皆以房言煩碎 煩碎猶瑣小也黃霸傳初若煩碎然霸
精力能推行之薛宣傳殆更多苛政政教煩碎又云官
居議其煩碎無大體不稱賢也王莽傳太后詔曰今眾
事煩碎朕春秋高精氣不堪魏畧苛吏傳曰王思爲人
雖煩碎而曉練文書敬賢禮士

然幸其瘡於彼又以爲不在此人也 帝意謂我所用者
幸非豎刀趙高之輩且災異之來不在此人顏注疑誤
製本傳

時平昌侯王臨以宣布外屬 王臨宣帝舅王無故孫也
布字帝字之譌

二陽並行是以王者吉午酉也 案穆天子傳云天子命
吉日戊午又云吉日辛酉天子升於昆侖之上與翼奉
吉午酉之說合

詩有五際 鄭康成作六莧論引春秋演孔圖云詩含五
際六情詩汜歷樞云午亥之際爲革命卯酉之際爲改
正辰在天門出入候聽卯天保也酉祈父也午采芑也
亥大明也然則亥爲革命一際也亥又爲天門出入候
聽二際也卯爲陰陽交際三際也午爲陽謝陰興四際
也酉爲陰盛陽敬五際也見詩正義奉治齊詩五際是

齊詩說

百姓洽足 洽閩本作給

左據成舉左阻黽池 左阻疑當作右阻

趙廣漢傳

史見者皆輪寫心腹無所隱匿 小雅蓼蕭云既見君子我心寫兮毛傳輪寫其心也鄭箋我心寫者輪其情意無留恨也

尹翁歸傳

類常如翁歸言無有遺託 託南 閩本並作脫

豪強有論罪輪掌畜官使斫莖 官表右扶風有掌畜令丞小顏注誤

韓延壽傳

勞謝令丞以下引見尉薦尉薦卽慰藉薦猶藉也何奴
傳尉薦撫循交接賂遺趙廣漢傳以和顏接士其尉薦
待遇吏殷勤其備小顏以爲安慰而薦達之非也

張敞傳

張敞爲山陽太守地節三年五月視事

詣公書上車當作詣公車上書

王尊傳

補遼西鹽官長地理志遼西海陽縣有鹽官

不以時皆奏行罰皆南雍本閩本作白

衡與二千石大鴻臚賞等賞浩賞也

將迹射士千人逐捕 馮奉世傳云今發三輔河東恆農
越騎迹射伏飛發者

司隸遣假佐放 哀帝時但爲司隸故無校尉二字
外爲大言倨嫚嫺嫌南雍本閩本作上

尊坐先吏民多稱惜之 先當作免
功岩職脩 岩當作著閩本不誤

蓋寬饒傳

常爲衛官繇使市買 衛官謂衛尉也

劾奏長信少府以列卿而沐猴舞 少府列于九卿故長信
少府亦稱列卿然其名不列于表

時執金吾 據公卿表名廣意

諸葛豐傳

德無以報厚 當作無以報厚德南雍木閭本不誤

劉輔傳

上迺徙繫輔共工獄 王莽改少府爲共工成帝時尙未
有此名也太初元年更名考工室爲考工疑卽此

蕭望之傳

蕭望之字長倩東海蘭陵人也 梁書武帝紀云漢相國
何生鄧定侯延延生侍中彪彪生公府掾章生皓皓生
仰仰生太傅望之

事同縣后倉且十年 后倉東海郟人見儒林傳以望之
同郡非同縣也縣疑當作郡

注其餘三十人留守 案留守當作留寺漢舊儀云御史
員四十五人皆六百石其十五人衣絳給事殿中爲侍
御史宿廬左右渠門外二人尙璽四人持書給事二人
中丞一人領餘三十人留寺理百官也

言其來荒忽無常 閩本來下有服字

其於爲民除害安元元而已 其讀若期

舉茂材好時令 茂材下當有爲字

復爲中散大夫 百官表無此大夫

馮奉世傳

創艾亾出塞 南雍本閩本亾下有逃字

使領護左馮翊都水 百官表左馮翊有左都水長承是

時馮翊當有河渠之事故令參領護之

宣元六王傳

懲艾霍氏欲害皇太子 懲閩本作徵古懲字詩曰刑舒

是徵

然後富貴不離於身 於閩本作其

絞殺胸膈有詔奏請逮捕 詔當作司閩本不誤

建昭二年王爲信都王 王爲當作立爲

匡衡傳

至衡好學家貧 西京雜記云匡衡勤學而無燭鄰舍有

燭而不逮衡乃穿壁引其光以書映光而讀之邑人大

姓文不識家富多書衡乃與其傭作而不求償主人怪

聞衡衡曰願得主人書遍讀之主人感歎資給以書遂成大學王符潛夫論云匡衡自鬻于保徒

無說詩匡鼎來服說是也賈捐之傳云顯鼎貴如淳曰言方且欲貴矣與此同義

人情以不自知以南雍本闕本作忽

廟之興莫不本乎室家之道衰莫不始于相內之道二字當乙

張禹傳

徙家蓮白白當作勾

謂禹父是兒多知父下闕本有曰字

孔光傳

級生子上帛 印禮記檀弓史記孔子世家竝作白
是時諸侯王相在郡守上 漢制王國相統眾官尚有內
史治國民故在郡守上至成帝時省內史而令相治民
則與郡守等矣

倣以舉故爲東平太守 王國有相無太守此言太守者
東平王雲以建平三年有罪國除至開明嗣封在元始
元年共開爲郡者四五年倣爲郡守正當其時

倣姓成公東海人也 廣韻作東郡人

馬宮傳

臣知妾不得體君卑不得敵尊而希指雷同 臣疑當作
誠

漢書辨疑卷十九終

漢書辨疑卷二十

嘉定錢大昭晦之甫學

王商傳

宜窮意考問 意當作竟南雍本闕本不誤

傅喜傳

子嗣莽敗乃絕 喜子名勁見史表傳脫勁字小顏謂史
不得其子名非也

薛宣傳

遷樂浪都尉丞 樂浪有兩都尉南部治昭明東部治不
而

爲樓煩長 地理志樓煩屬雁門郡

宣卽以令奏賞與恭換縣二人視事數月而兩縣皆治

後漢第五種拜高密侯相以能換爲衛相今縣令有人地兩不相宜者上官奏請交易其任爲對調古人謂之換縣

朱博傳

時諸陵縣尉太常 元帝永光元年改屬三輔

翟方進傳

司隸校尉涓勸 廣韻涓姓列仙傳有齊人涓子

復徙故郡以憂發疾而死 閩本無發疾而三字

以儒雅緣飭法律 飭閩本作飾

方進獨與長交稱薦之 潛夫論云翟方進稱淳于長而

不能薦一士

使議者以爲不便使南雍本闕本作後

以主守盜十金賊殺不辜部掾收縛立傳送鄧獄薛宣

傳云十金法重是也

欲令都尉自送則如勿收耶公羊隱元年傳如勿與而已矣何休注云如卽不如齊人語左氏僖廿二年傳若愛重傷則如勿傷愛其二毛則如服焉與此同義

大誥道諸侯王三公列侯案周書大誥王若曰猷大誥爾多邦釋文云馬本作大誥繇爾多邦疏云鄭王本猷在誥下道字在大誥下莽誥與古本合

予未遭其明愆書作弗造哲遭與造古字通甫刑云兩

造具備史記作遭文侯之命云嗣造天丕愆孔傳亦訓
爲遭下文予遭天役書作造

迪知上帝命況今天降定于漢國 案帝命下脫正文粵
天輔誠爾不得易定九字又脫注文師古曰粵詞也天
道輔誠爾不得改易天之定命十九字南雍本閩本皆
有惟汲古閣本脫

諸將東破陳留菑 破字誤南雍本閩本作至
共遣掾行事 事當作視南雍本閩本不誤

谷永傳

意豈陛下志在閨門 下文意豈將軍忘湛漸之義皆當
讀爲抑

閼婁驕扇口以不臧 毛詩作豔婁傳云褒姒也谷永用
魯詩故爲閼也魯詩以閼婁爲厲王后鄭箋從之詩正
義引中候璽錄云昌受符厲倡嬖期十之世權在相
又曰刻者配姬以放賢山崩水潰納小人家伯罔主異
載震既言昌受符爲王命之始卽云期十之世自文數
之至厲王除文王爲十世也刻豔古今字耳以刻對姬
爲其姓以此知非褒姒也本傳下文永又言幽王惑于
褒姒周德降亡又云抑褒閼之亂褒閼對舉魯詩說爲
長外戚傳班婕妤賦悲晨婦之作戒兮哀褒閼之爲郵
滿調誣天 滿讀若說

榜筆瘡于炮格 炮格炮烙也說文烙新附字古卽用格

身膏草野 草野南雍本閩本竝作野草

鴈精致改 改南雍本閩本作政

杜鄴傳

有詔得舉吏如五府 五府者丞相薛宣一也大司馬車
騎將軍王音二也御史大夫王駿三也右將軍王章四
也左將軍辛慶忌五也時有此五府竟寧中五府舉段
會宗爲西域都護五府者丞相匡衡爲一府大司馬車
騎將軍許嘉爲一府御史大夫李延壽爲一府右將軍
王商爲一府左將軍馮奉世爲一府

何武傳

市菑夫求商 廣韻求姓三輔決錄漢有求仲

王嘉傳

黠吏知而犯儆 京兆卒捕掾絮舜也事詳本傳

及賜孔鄉侯汝昌侯陽新侯國 案新信古字通侯表亦作陽新本紀及杜鄴傳竝作陽信

重百金之費 重閭本作惜

不知厭足甚傷尊卑之義 尊卑南雍本閭本竝作尊尊衛尉雲等五十人 雲孫雲也河內人

縛嘉載致都船詔獄 百官表執金吾屬官有都船令丞如淳曰漢儀注有都船獄令

師丹傳

邇者以挺力田議改幣章示君 挺寬也言優寵力田之

人寬其租賦繇役

揚雄傳

名曰昨牢愁 宋景文筆記引蕭該漢書音義云該案牢字旁著水晉直作牢韋昭曰泮驪也鄭氏愁音曹

閨中容競淖約兮相態以麗佳 莊子綽約若處子廣雅作婢約說文解字作綽約子虛賦云便嬛綽約

棍申椒與茵桂兮 棍疑當作棍方言棍同也宋衛之閒語

費椒櫨以要神兮 櫨與精同古者卜筮先用精鑒之米以享神謂之精東山經曰精用稌米淮南說山訓云巫用精藉郭璞高誘竝云祀神之米楚詞云巫咸將夕降

兮懷椒糈而要之王逸曰言巫咸將下願懷椒糈要之
使筮者占茲吉凶之事史記曰者列傳云卜而有不審
不見奪糈

徒恐鷦鷯之將鳴兮 廣雅鷽鷽鷽鷽子鷽也曹憲音釋
云鷽音弟又音啼鷽古惠反又古二反鷽音規爾雅鷽
周郭璞曰子鷽出蜀中史記律書云百艸奮興秭鷽先
鳴徐廣以爲子規也玉篇以鷽鷽爲子鷽宋景文公筆
記引蕭該音義云該案蘇林鷽鷽音殄絹子京據之以
譏小顏之失予謂殄絹杜鷽鷽一聲之轉其實是一
物也

孝成帝時客有薦雄文似相如者 雄荅劉歆書云雄作

縣邱銘王伋頌階闕銘及成都城四隅銘蜀人有楊莊者爲郎誦之於成帝以爲似相如雄遂以此得見楊莊華陽國志作尙書郎楊壯李周翰注文選亦作楊莊作壯者避漢明諱改

詔招搖與秦陰兮 秦陰蕭該音義本秦壹

捎夔魑而扶獠狂 史記孔子世家云木石之怪夔罔閭韋昭曰木石謂山也或云夔一足越人謂之山繅大荒東經曰東海中有流波山人海七千里其上有獸狀如牛蒼身而無角一足出入水則必風雨其光如日月其聲如雷其名曰夔黃帝得之以其皮爲鼓厥以雷獸之骨聲聞五百里以威天下說文解字夔神魑也如龍一

足从夕象有角手人面之形是夔魑一物也宋景文公
筆記引蕭該音義云該按猶狂無頭鬼見字林

齊總總摛摛其相膠葛兮 廣雅云總總僧僧聚也摛僧

古字通

颺翠氣之冤延 冤延與蜿蜒同

若登高妙遠肅庠臨淵 妙文選作眇

香芬涕以窮隆兮 弗古馥字詩楚茨苾芬孝祀韓詩苾

作馥薛君曰香貌

靈遲遲兮 遲遲文選作遲遲李善曰遲遲即棲遲

神騰鬼趙 廣雅云騰趙奔也

灑沈沈於豁瀆 藹當作沈注同蕭該音義本作灑沈藹

而呀壑濱兮呀或作呵呵叱問四濱也

既發軔於平盈兮 楚詞云朝發軔于蒼梧王逸注軔止輪木也說文軔礙車也

邪界虞淵 邪古與左通禮記王制云執左道以亂政盧植曰左道謂邪道子虛賦云邪與肅慎爲鄰師古曰邪讀爲左案長楊賦回戈邪指亦謂左指

建九流 流南雍本岡本竝作旋

秋秋踰踰 文選作啾啾蕭該音義本作啾云該案啾舊亦作愁革陷音裁臬反今書或作口旁秋埤蒼曰啾眾聲也楚詞鳴玉鸞之啾啾

娛澗門 文選作娛澗間

鑿齒之徒相與摩牙而爭之 所爭者秦也 猶云秦失其

鹿天下共逐耳 鑿齒之徒謂陳勝項籍等

遐萌爲之不安 萌文選作𦵏 𦵏與𦵏同 霍去病傳及厥

眾萌剽向傳民萌何以勸勉 師古竝云萌與𦵏同 孟子
書皆悅而願爲之氓 孫奭音義云眠或作萌或作𦵏

皆稽顙樹頷 頷文選作頷 宋景文公筆記引蕭該漢書

音義云該案稽顙樹頷 韋昭本作梨顙樹頷 梨顙樹地
樹頷觸地也 今作稽顙傳寫誤耳

或橫江潭而漁 注中有兩師 古曰以文選注考之前一

說是服子慎說也 當作服虔曰

頷 頷折頷 說文頷低頭也 春秋傳曰迎于門 頷之而已

玉篇引杜預注亦作鎮又音欽曲頤也列子云巧夫鎮其頤而歌合律張湛曰鎮猶搖頭也

蕭規曹隨 蕭字上南雍本開本皆有夫字

響若甌隤 甌古作氏說文氏巴蜀名山岸脅之旁響欲落墻者曰氏氏崩聲聞數百里象形揚雄賦響若氏墮氏與是通鄭康成注尚書云織皮謂西戎之國也西傾雍州之山也雍戎二野之閒人有事于京師者道由此州而來桓是隴坂名其道盤桓旋曲而上故名曰桓是今其下民謂是爲阪曲爲盤也

故有首衝錯測攤塋數文規圖告十一篇 蕭該漢書音義云該案衝當作衝云八十一家相對之弟如幅轂之

衡又案別錄告下有元問一篇合十二篇今脫一篇疑
今人不見太元及別錄故不知其謬

楚漢記麟止 記當作訖

儒林傳

魯諸儒持孔氏禮器而歸之於是孔甲爲涉博士卒與俱
死 而歸南雍本闕本竝作往歸兒子東垣曰自陳涉
之王也至發憤於陳王大約皆本於鹽鐵論之褒賢篇
其實桓譚之言亦非也史記孔子世家云慎年五十七
生鮒爲陳王涉博士孔叢子荅問篇云子魚名鮒甲陳
人或謂之子鮒或稱孔甲獨樂先王之道講習不倦陳
勝起兵於陳陳餘以鮒賢說陳王往聘之陳王乃遣使

者齋千金加束帛以車三乘聘焉張耳亦謂子魚宜速來以佐王業子魚遂往至陳王郊迎而執其手與議世務子魚以霸王之業勸之王悅其言遂尊以博士爲太傅凡仕六旬老於陳又載其將沒戒弟子語據此則持器往歸及卒與俱死之說俱不足信

萬衡胡 廣韻衡姓風俗通云阿衡伊尹之後又云衡魯公字後乃氏焉隸釋有衛尉衡方

丁寬字子襄梁人一王梁項生 一王二字誤岡本作也初

魯伯授太山毛莫如少路 蕭該漢書音義云該案風俗通姓氏篇混屯大吳之良佐漢有屯莫如爲常山太守

又有毛姓云毛伯文王子也見左傳漢有毛櫟之爲壽
張令案此莫如姓非毛乃應作屯字音徒本反今人相
承呼爲毛忽聞爲屯驚怪者多但毛屯多相類容是傳
寫誤耳應劭解漢書世人皆用何爲風俗通而不信據
此則顏注非矣小顏采集注漢書家獨未見蕭該音義
故有此失

京房受易梁人焦延壽 案隸釋譙敏碑云其先故國師
譙贛深明典奧識錄圖緯能精微天意傳道與京君明
皆祖田何楊叔丁將軍大誼略同 案前云楊何字叔元
疑脫元字

唯京氏爲異黨 荀悅漢紀以黨字絕句小顏以黨屬下

句讀爲儻非也

房授東海殷嘉 殷莒文志及經典釋文竝作段

河南乘宏師古曰乘姓也音食證反 案廣韻十六蒸言

乘又姓四十七證不言姓

伏生濟南人也 後漢伏湛傳云九世祖勝字子賤所謂

濟南伏生者也

其先夏侯都尉 都尉名也

建太子太傅自有傳 建當作遷案勝本傳云爲長信少

府遷太子太傅劉向傳同若夏侯建官至太子少傅非

太子太傅也且建事附于勝傳不得云自有傳

嚴然總五經之眇論 嚴與嚴通曲禮儼若思釋文云儼

本文作嚴無逸嚴恭寅畏馬融本作儼

疑者上蓋不言 案荀子大略篇云言之信者在乎區蓋之閒疑則不言未閒則不立楊倞曰區藏物處蓋所以覆物者凡言之可信者如物在器皿之閒言有分限不流溢也區與上聲相近義亦同小顏說謬甚

非受命而何 而南雍本闕本竝作爲

履雖新必貫於足 貫史記作關案關貫古字通鄉射禮云不貫不釋鄭注古文貫作關

下固刺毓 固當作圖

伏理旂君 案後漢書伏湛傳注云伏理字君游

誼授同郡食子公 蕭該漢書音義云該案風俗通義云

食我韓公子也見戰國策漢有食子公爲博士食音嗣
毛公趙人也治詩爲河閒獻王博士 案鄭氏詩譜云魯
人大毛公爲故訓傳于其家河閒獻王得而獻之以小
毛公爲博士

栢生單次 栢當作桓

嚴彭祖字公子 酷吏嚴延年之次弟

卬是公羊春秋有顏嚴之學 案隸釋嚴訢碑云訢字少
通治嚴氏春秋馮君章句攷兩漢傳春秋嚴氏學無姓
馮者蓋史之闕文

廣授琅邪筦路師古曰筦亦管字 蕭該漢書音義云該

案莞艸下完風俗通義姓氏篇有管莞二姓云莞楚大

夫見呂氏春秋漢有莞路爲御史中丞卽此是也又有
管姓云管夷吾齊桓佐也見論語漢有管號爲西京太
守今路是艸下完非竹下官山來讀者多惑檢風俗通
乃知據此則顏注誤也

唯魯榮廣王孫皓星公二人受焉 皓星姓也亦作浩星
趙充國傳有浩星賜鄧展曰浩星姓賜名廣韻亦作浩
星

授楚中章昌李奇曰姓中章 廣韻十七真有複姓中章
昌肅該漢書音義云該案風俗通義姓氏篇云山余秦
相也漢有由章昌官至長沙太傅據此則應仲遠以由
爲姓章昌爲名

循吏傳

京兆尹張敞舍鵲雀飛集丞相府師古曰此鵲音芬字或作鵲案說文解字鵲鳥似鵲而青出羌中从鳥介聲丞相府所集者卽是此鳥師古音芬芳之芬非也又云字或作鵲其說亦誤爲是鳥聚飛兒非似鵲之鳥也史繩祖學齋佔畢信小顏之音芬失之矣後讀宋景文公筆記乃知顏猶本不誤宋時官板方譌爲芬及鵲耳

見一婦人相者言此婦人當富貴王充論衡骨相篇云丞相黃次公故爲陽夏游徼與善相者同車俱行見一婦人年十七八相者指之曰此婦人當大富貴爲封侯夫人次公止車審視之相者曰令此婦人不富貴卜書

不用也次公問之乃其旁里人巫家子也卽娶以爲妻
其後次公果大富貴位至丞相封爲列侯

酷吏傳

是時九卿死卽死少被刑 文帝深納賈誼之言養臣下
有節是後大臣有罪皆自殺至武帝時稍復入獄白甯
成始

周陽由其父趙兼 由真定人見淮南王傳

姦盜不勝直指始出矣 直指夏蘭之屬見食貨志

遷至御史及丞 下文言爲御史及中丞者幾二十歲此
及下當有中字

於是賜小史爵關內侯食遺鄉六百戶 隸釋幟國三老

袁良碑云孝武征和三年袁幹斬賊公先勇拜黃門郎封關內侯食遺鄉六百戶幹薨子經嗣經薨子山嗣此言小史卽袁幹也公孫勇卽公先勇也功臣表例不載關內侯故世次不可攷

繡見延年新將心內懼 時嚴延年爲涿郡太守故稱爲將尹翁歸傳翁歸爲東海太守于定國謂邑子曰此賢將汝不任事也又不可干以私孫寶傳幸同土壤幸無睚眚顧受將命分當相直時寶爲京兆尹故亦稱爲將貨殖傳

賂遺曲陽定陵侯依其權力賒貸郡國人莫敢負 案此谷永所謂爲人起責分利受謝是也

游俠傳

掄擊而游談者 擊當作擊注同

數負進 荀悅漢紀進作遂下云可以償博進矣荀紀亦

作遂

佞幸傳

顯與妻子徙歸故郡 前代宦者往往有妻後漢劉瑜傳

云常侍黃門亦廣妻娶怨毒之氣結成妖青周舉傳云

豎宦之人亦復虛以形勢威侮良家取女閉之至有白

首歿無配偶逆于天心元魏時御史蕭忻疏云高軒和

鸞者閹官之養婦胡馬鳴珂者黃門之養息唐書載高

力士娶李元晤女李輔國娶元擢女吳文碑亦有妻有

子朱子語類云梁師成妻死蘇叔黨范溫衰經臨喪奄人倚勢作合良家後先一轍

初許皇坐執左道 坐字上脫后字

又詔賢女弟以爲昭儀 詔南雍本閩本竝作召

匈奴傳上

使蒙恬將數十萬之物 物南雍本閩本作眾

各居其邊爲甌脫 甌脫蘇武傳作區脫

其世信官號可得而記云 信當作姓

口上戊己 以戊己日爲吉也

匈奴復入五原酒泉殺兩部都尉 部當作都

迺遣閭陵侯將兵別圍車師 閭陵侯成婉也本匈奴人

表作開陵

軍長史與汝睦都尉輝渠侯謀 功臣表輝渠侯僕朋子
雷屯征和三年以五原屬國都尉與貳師俱擊匈奴即
其人也

行攻塞外亭長 長當作障南雍本閩本不誤

欲發兵要擊之 要依注當作邀

死干不可勝數 干當作亡

匈奴傳下

封烏厲屈爲新城侯 烏厲屈之封爲列侯本紀不載功
臣表信成侯王定以匈奴烏桓屠蘇單于子左大將軍
率眾降五鳳二年九月封新與信成與城古字皆通烏

厲屈是其本名降漢後乃改名王定耳

單于以徑路刀金留犁撓酒 撓亦謂之攝士冠禮云再
醺攝酒鄭注攝猶整也整酒謂撓之

長女云爲須卜居次 案云是伊墨居次因爲須卜當之
妻故亦稱須卜居次耳

漢三都尉居塞上 三都尉一在日勒澤索谷一在番和
一在居延

本北地之狄 本閩本作大

奉天子詔條之當予匈奴稅 之當作不

共入匈奴使 入當作殺

遣五威將王駿率甄阜王鳳陳饒帛敞丁業六人 此率

字讀如將帥之帥莽置五威將每一將各置前後左右
中帥故下云右率陳饒

從旁謂單子曰 閩本曰下有止字

莽以其庶女陸遂任妻後安公舍 案陸當作睦睦遂任
名捷莽侍者開明所生女

遂與相穿岨 攷工記云弓人緋角堂之鄭注堂讀如穿
岨之堂說文解字堂岨也

西南夷傳

西夷君長以十數 西當作南南雍本閩本不誤

南粵食蒙蜀枸醬 南方艸木狀云蒟醬華茛也生於蕃
國者大而紫謂之華茛生於番禺者小而青謂之蒟馬

可以爲食故謂之醬焉交趾九真人家多種蔓生
遣水衡都尉 是呂辟胡也此處當書其姓名

牂柯大尹周欽詐殺邯 改太守爲大尹莽制也牂柯亦
當從莽改作同亭

復殺益州大尹程隆 益州亦當從莽改作就新

兩粵傳

高后白臨事 自古自字白臨事者卽尉佗書所云高后
白臨用事也

立明王長男粵妻子衡陽侯建德爲王 言粵妻者別於
在長安時所取之嫪氏也

粵郎都稽 都稽功臣表作孫都

故甌略將左黃同 案功臣表下鄜侯左將黃同以故甌
駱左將斬西于王功侯此作將左疑誤

漢書辨疑卷二十終

漢書辨疑卷二十一

嘉定錢大昭晦之甫學

西域傳上

西則限以蔥嶺 水經注引西河舊事云蔥嶺在敦煌西八千里河源潛發其嶺分二水一水西逕休循國南在蔥嶺西

從鄯善傍南山北波河西行 後漢書注云波傍也至山國千三百六十五里 山國水經注作墨山國丞相率百官送至橫門外 闕本作丞相將軍無率字南雍本丞相下有將軍率三字

有蒲陶諸果西通精絕二千里 水經注云西通精絕二

千里東至鄯善七百二十里

于闐國王治西城 後漢班超傳作于寘

西夜國王號子合王 後漢書西域傳云漢書誤云西夜
子合是一國今各自王

蒲犁反依耐無雷國 反當作及閼本不誤

出封牛 爾雅犛牛郭注卽犂牛也領上肉犛眈起高二
尺許狀如橐駝肉羖一邊健行者日三百餘里今交州
合浦徐聞縣出此牛

大月氏國治藍氏城 後漢書作藍氏

五曰高附胡族治高附城 後漢書西域傳云高附國在
大月氏西南亦大國其俗似天竺未嘗屬月氏漢書

以爲五翎侯數非其實也故五部翎侯內范蔚宗以都密代高附

大宛國去長安萬二千二百五十里 二百南雍本閩本作五百

又發數十餘輩抵宛西諸國 數閩本南雍本作使求其物因風諭以代宛之故 其當作奇代當作伐

休循國在蔥嶺西 水經注引郭義恭廣志云休循國居蔥嶺其山多大蔥

因畜隨水草 因當作田

西域傳下

曰泥靡大以國歸之 言候泥靡長大以國歸之故後云

鳥孫貴人共從本約立岑廩子泥靡代爲昆彌也

使長盧侯光祿大夫惠爲副 盧當作羅功臣表匈奴傳

竝作羅

張翁粹主頭罵晉 說文粹持頭髮也

積居廬倉以討之 倉閭本作舍

詔焉烏就屠詣長羅侯赤谷城 焉字衍

元貴靡子星靡代爲大昆彌弱 弱與健對下文後都護

韓宣復奏星靡怯弱可免又云時大昆彌雌栗靡健帥

侯皆畏服之是也小顏以弱爲尙幼少非是

願使烏孫鎮撫星彌 彌當作靡閭本不誤

漢遣之卒百人送烏孫焉 閭本無烏孫二字

重合侯母虜候者 母當作得南雍本閩本不誤

劫國王 漢紀作劫日國

山國王 漢紀作三山國水經注作墨山國

車師後王國 依前後例當作車師後國王

求車師王烏孫貴 孫字衍車師王烏貴之妻子鄧吉傳
送至長安賞賜甚厚而烏貴尚在烏孫故使殷廣德貴
烏孫求前爲車師王名烏貴者與之詣闕賜之第宅令
其妻子同居也是時漢已立故車師王太子軍宿爲市
師王故名其故王烏貴至長安撫卹之小顏說非也

又大胡來王唐兜 姑羌國王號去胡來王

聞甄公爲西域太伯當出 莽分陝立二伯如周召故事

甄豐爲右伯稱爲太伯尊之之辭

得三百四人 南雍本闕本作三四百人

莽封欽爲劉胡子 劉莽傳作剽

贊迺表河曲列西郡 西當作回元狩二年開武威酒泉

元鼎六年分武威置張掖分酒泉置敦煌

外戚傳

良人八子 良人漢紀作良姊史記秦本紀云尊唐八子
爲唐太后徐庶曰八子者妾媵之號

八子視千石 案笛川王志傳云以令置八子秩比六百
石所以廣嗣重祖也蓋天子之八子視千石諸侯王之
八子比六百石故與傳不同

充依視千石 漢紀作視九百石

良人視八百石 文選西都賦注引作視七百石漢紀作

良姊視七百石案小顏注百官表云漢制三公號稱萬

石其俸月各三百五十斛穀其稱中二千石者月各百

八十斛二千石者百二十斛比二千石者百斛千石者

九十斛比千石者八十斛六百石者七十斛比六百者

六十斛四百石者五十斛比四百石者四十五斛三百

石者四十斛比三百石者三十七斛二百石者三十斛

比二百石者二十七斛一百石者十六斛其說本續漢

書志

所云續漢書志卽光武紀中章懷太子所引今本

司馬彪續志云千石月八十斛比六百石月五十

斛比四百石月四十五斛與此不

同又無比千石月八十斛之文 非西京之制也如淳

注汲黯傳云眞二千石月得百五十斛歲凡得千八百石百官表注與如淳說不同外戚傳注又與如說合攷百官表有比二千石無眞二千石蓋二千石卽眞二千石也外戚傳有眞二千石無比二千石者以眞二千石爲二千石二千石爲比二千石也漢制俸穀之外又有奉錢貢禹傳拜爲諫大夫秩八百石奉錢月九千二百又拜爲光祿大夫秩二千石奉錢月萬二千是也

無涓共和娛靈保林良使夜者皆視百石 漢紀作涓和娛保林良使者皆視百石

葬觀津 劉昭曰決錄注云孝文竇后父隱身漁釣墜淵而卒景帝立后爲太后遣使者更塋父所墜淵而葬起

大墳於縣城南民號曰寶氏青山大昭案觀津地理志
屬信都國郡國志屬安平國小顏以爲清河縣非也

上所以孿孿顧念我者 易小畜九五有孚孿如子夏傳
作戀敍傳云旣繫孿於世教矣隸釋唐公房及景君碑
皆以孿爲戀

精浮游而出焉 焉古疆字書名諸無疆惟休古文尙書
作焉本書王子侯表以諸侯王焉土過制師古曰焉亦
疆字

元始三年生昭帝 元始當作太始

孝昭上官皇后祖父桀 桀字少叔見李陵傳

長主內周陽氏女 疑卽周陽由之族本姓趙

載以附史蔡 附南雍本闕本作付

嫁爲廣望節侯子劉仲卿宅 廣望節侯中山靖王子名

忠

嘗之柳宿 柳宿武帝封中山靖王子劉蓋爲侯國太平

寰宇記柳宿故城在望都縣東北四十三里

且財帛之省 帛南雍本闕本竝作幣

豈妾人之殃咎兮 人闕本作父

司隸解光奏言 成帝元延四年省司隸校尉綬和二年

哀帝復置但爲司隸故此不言校尉

不須復發葬固爭之 葬當作葬

元后傳

後東平王聘政君爲姬未入王薨 京平王王充論衡作

趙王偶會篇云王莽姑正君許嫁二夫二夫死當適趙而王薨氣未相加遙賊三家何其痛也又骨相篇云王莽姑正君許嫁至期當行時夫輒死如此者再乃獻之趙王趙王未娶又薨清河南宮大有與政君父穉君善相曰貴爲天下母是時元帝爲太子穉君乃因魏郡都尉納之太子太子幸之生子君上宣帝崩太子立正君爲皇后君上爲太子元帝崩太子立是爲成帝

長御卽以爲 爲下脫是字岡本不脫

司隸校尉解光奏曲陽侯根 校尉二字衍說見前

案漢制皇女封縣公主儀服同列侯范蔚宗載於皇

成陽公主

景帝中六年薨疑景帝女見天文志

陽信公主

景帝女適平陽侯曹壽壽有惡疾適長平

侯衛青因適平陽侯故史家稱爲平陽公主曹壽卽

曹襄說詳衛青傳

陽石公主

武帝女以巫蠱事誅見公孫賀及武五子

傳

鄂邑公主

武帝女適蓋侯王信王信當依小顏注作

王充蓋侯信薨于元光二年時武帝年甫二十四歲

主甚幼也

衛長公主

武帝女見史記曹相國世家

夷安公主

武帝女適隆慮公主子昭平君見東方朔

傳

當利公主

武帝女

衛太子姊

適樂通侯樂大見郊祀志

諸邑公主

武帝女以巫蠱事誅見武五子傳及五行

志

館陶公主施

宣帝長女適西平侯于永見于定國傳

敬武公主

宣帝女

水經注以爲元帝女文穎以爲成帝姊薛嬪以爲元帝姊顏師古以

爲元帝妹

適營平侯趙欽又適富平侯張臨又適高陽侯

薛宣見趙充國張安世薛宣傳

陽邑公主

疑宣帝女適博成侯張建見功臣表

平陽公主

元帝女見外戚傳

平都公主

元帝女見傅昭儀傳

穎邑公主

元帝女

成帝妹

適建平侯杜業

王莽傳上

莽既說眾庶

庶南雍本閭本作意

兆遇金水王相

服虔曰卜法橫者爲土立者爲木邪向

經者爲金背經者爲火因兆而細曲者爲水

亮彼武王

韓詩薛君章句亮相也此用韓詩

今天法有設後世有祖 今當作令

朱戶納陛

陳景雲曰朱均禮含文嘉注云動作有禮納

陛以安其體文選魏公九錫文納陛以登李周翰注納

陛者致于殿兩階之間使其上殿此蓋漢人相承之說

宋史呂端傳眞宗以端軀體洪大宮庭階屣稍峻特令

梓人爲納陛是納陛爲安體而設信矣小顏獨采孟解
宋均說亦不可廢

昔唐堯橫被四表 橫卽光也後漢書馮異傳亦云橫被
四表漢人稱橫門爲光門

名曰漢光邑 地理志武功莽曰新光

晨夜屑屑 方言迹迹屑屑不安也江沅之閒謂之迹迹
秦晉謂之屑屑又屑往勞也郭注屑屑往來皆劬勞也
說文屑動作切切也廣雅屑屑不安也本書董仲舒傳
凡所爲屑屑夙興夜寐後漢書王良傳何其往來屑屑
不憚煩也崔駰傳言亦病子屑屑而不已也

則時成創 則卽聲相近

以杜衍戶千封嘉爲師禮侯 師當作帥與率同下文作
率禮侯

所征殄滅盡備厥辜 備讀若義眞備未之備

槐里以武爲號翟義以虜爲號 武當作賊上云逆賊惑
眾西上卽指槐里趙明霍鴻等也

以戊辰直定御王冠 魏文帝受禪以十月二十九日辛
未直成日成定皆取吉祥

王莽傳中

國師劉歆子棖爲伊休侯 言國師者別于上文祁烈伯
之劉歆

其元城王氏勿令相嫁娶 莽妻宜春王氏不在同姓之

列

是用建爾作司命 司命上疑脫五威二字

命堂威侯王奇曰 命辭言函谷批難掌威于左據此則
堂疑當作掌

其宗廟不當在常安城中 本長安從莽所改稱之

大司空邑弟左闕將軍 闕當作關

故尚書令唐林爲胥附 胥疏聲相近

據持萬物 據南雍本閭本作操

厭難將軍陳歆 匈奴傳作陳欽

今已受茅土者公十四人 案十四人者謂安新公王延

就新公平晏嘉新公劉歆美新公哀章承新公甄邯章

新公王尋隆新公王邑奉新公王興成新公孫建崇新
公王盛章平公姬黨宣威公蘭苞揚威公敷級安定公
劉嬰也廣新公甄豐有罪國除不在數內莽之宗室公
如新舉公安褒新公臨功隆公干功明公壽功成公吉
功崇公宗功昭公世功著公利亦不在十四人之內

以勸南僞 僞字古亦省作爲史記平秩南譌司馬貞本
作南爲淮南天文訓歲大旱禾不爲高誘曰爲成也禾
成於夏故云南爲上下文東作西成皆言農事不當訓
訛爲化

在西州者諸公皆輕賤而章尤甚

哀章廣漢梓潼人故

曰西州

遣平蠻將軍馬茂將兵擊之 當從西南夷傳作馮茂
就都大尹馮英不肯給 就都故廣漠

漢書辨疑卷二十一終

漢書辨疑卷二十二

嘉定錢大昭晦之市學

王莽傳下

乘乾車駕公馬 公古坤字

武功中水鄉民三舍塾爲池 中水鄉地理志在右扶風

美陽

孫公明公壽病死 公明當作功明壽所封國名

劉成大尹李焉 魏成故魏郡

三輔盜賊麻起 麻言多而難理也上云江湖海澤麻沸

亦此意

國師嘉信公 是劉歆也初封嘉新後改

至地皇三十年如故是王光上戊之六年也 案隸續新莽侯鉦有新始建國地皇上戊二年之文莽自以土行故令太傅府置戊曹以戊子代甲子爲六旬之首冠用戊子爲元日昏以戊寅之旬爲忌日令太史推三萬六千歷紀六歲一改元遂改元爲地皇

又遣大將軍陽浚守敖倉 此疑卽誅貉將軍陽俊也浚俊不同未知孰是

衍功侯喜素善卦 當是王光之子

校尉東海公賓就 廣韻魯有公賓庚

就識斬莽首 莽年三十八爲大司馬五十一卽眞六十八誅死居攝三年號初始元年始建國五年天鳳六年

地皇四年

敘傳上

吾久不見班生今日復聞讜言 讜古作當孔安國益稷傳云故呼禹使亦陳當言釋文云當丁浪反本亦作讜李登聲類云讜言直言也

卒富貴不祥 卒讀與猝同

偉世業之可懷 說文臚是也拙文作偉妣聆呱而刻石兮 妣龔山氏女禹之后也刻石有啓母石也呱啓呱呱而泣也應仲遠說非是

周賈盜而貢憤兮孟康曰貢惑也 貢無惑義當是感字一之謫貢感聲相近

鸞龍虎之文舊矣 說文鸞目鸞鸞也廣雅鸞視也廣成
頌云右鸞三塗左概嵩嶽

風颺電激 颺文選作颺韋昭曰颺風之聚猥者也音庖
大昭案說文颺扶搖風也或从包作颺

夷險芟荒 晉灼曰發開也今諸本皆作芟字大昭謂左
氏隱六年傳芟夷蘊崇之說文引作發云以足踣夷艸
此芟字晉灼本作發亦發字之譌

神之聽之名其舍諸 名文選作神

敍傳下

朱旗迺舉 迺文選作天

述景武昭宣元成哀功臣表第五 哀字衍功臣表至成

帝止

食貨惟先 惟閩本作爲

變定東西 變當作變注同

耳諫甘公 諫當作謀

三桱之起本根既朽 說文櫟伐木餘也引商書若櫟木
之有男櫟重文作櫟梓古文櫟又弓部男木生條也亦
引商書作桱古文言由桱是桱卽梓字隸變爲桱爾

澤王琅邪權激諸呂 謂用田生之計先王諸呂而激之
并王澤也

旃宅於楚 旃與游同楚元王交字也

其在於京奕世宗正 劉辟疆劉德父子竝爲宗正

劬勞王室用矣陽成 宣帝以劉德親親行謹厚封爲陽城侯

稅介免冑禮義是創 何焯曰義疑作儀大昭案說文誼人所宜也義己之威儀也漢書仁義作誼威儀作義正與說文同何氏說非也

窘世薦亡 小雅正月云又窘陰雨鄭箋窘仍也

思心既審 五行傳云思心之不容是謂不聖厥咎審時則有牛禍

檻轡正席顯陳成敗 檻轡謂諫帝西馳下駿坂正席謂引却慎夫人坐也

江都諄輕 說文諄諄憂也一日諄增淮南子脩務訓云

越人有重遲者而人謂之謔高誘曰謔輕利急音杪

媚茲一人日旰忘食 湯每朝奏事語國家用日旰天子

忘食丞相取充位天下事皆決湯

致死爲福每生作甌 賈誼傳服烏賦云品庶每生孟康

曰每食也

烏呼史遷薰胥以刑 小雅雨無正云若此無罪淪胥以

鋪後漢書注引韓詩云薰胥以痛薰帥也胥相也痛病

也言此無罪之人而使有罪者相帥而病是其太甚惠

棟曰薰閣也春秋傳云以韓起爲閣薰與閣通易艮之

九三曰厲薰心荀爽本薰作勳虞翻本又作閣胡廣漢

官解詁曰光祿勳勳猶閣也易曰爲閣寺是薰與閣通

之證胥胥靡也楚元王交傳云中公白生諫不聽胥靡之應劭引此詩曰淪胥以鋪胥靡刑名也呂氏春秋曰傅說殷之胥靡高誘曰胥靡刑罪之名詩言王赦有罪之辜而反坐無罪以薰胥之刑也三家詩得之毛詩誤也

錯綜羣言古今是經 自序云協六經異傳齊百家雜語是錯綜羣言也

勒成一家 自序云爲太史公書序略以拾遺補蕪成一家言又報任安書云亦欲以究天人之際通古今之變成一家之言

昏賀失據 昏謂改封海昏侯失據易繫詞云非所據而

斟酌六經放易象論 斟酌二字首見於國語周語云而
後王斟酌焉荀子富國篇云節其流開其源而時斟酌
焉律歷志云斟酌建指以齊七政揚雄傳云皆斟酌其
本相與放依而馳騁云白虎通云言周公輔成王能斟
酌文武之道而成之也後漢書章帝贊云左右藝文斟
酌律禮張奮傳云猶周公斟酌文武之道班彪傳云因
斟酌前史而譏正得失班固兩都賦云騰酒車而斟酌
魏志袁渙傳云常談曰世治則禮詳世亂則禮簡全在
斟酌之間耳

獷獷以秦滅我聖文 說文獷犬獷獷不可附也

泯泯萃黎化成良吏 呂刑云泯泯焚焚

娒娒公主迺女烏孫 爾雅釋訓云怵怵惕惕愛也郭璞
曰怵怵未詳釋文引李巡云怵怵和適之愛怵本或作
娒是娒娒卽爾雅之怵怵也孟康注本此說文娒美女
也或作娒从氏通作怵說文怵愛也

曲陽敲敲亦朱其堂 說文歊歊氣出兒从欠不从支

漢書辨疑卷二十二終